

Aningaasarsianit akileraarutit pillugit paasissutissanik nalunaaruteqartarneq pillugu Namminersorlutik Oqartussat nalunaarutaat

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi, kingullermik Inatsisartut inatsisaatigut nr. 56, 25. november 2024-meersukkut allanngortinneqartumi, § 33, imm. 1-4, §§ 33 a-mit 33 d-mut, § 35, § 56, imm. 1, aamma § 83 naapertorlugit aalajangersarneqarput:

Paasissutissanik nalunaaruteqartarneq

§ 1. Nalunaarummi matumani paasissutissat pineqartut akileraaruseriffimmut nalunaarutigineqassapput.

Imm. 2. Nalunaaruteqartussaatitaasut ukiumut aningaasarsiorfiusumut paasissutissanik akileraartartunut 20-nut amerlanerusunulluunniit tunngasunik nalunaarutissallit tamakku digitalinngorlugit nalunaarutigissavaat.

Imm. 3. Nalunaaruteqartussaatitaasut ukiumut aningaasarsiorfiusumut paasissutissanik akileraartartunut 20-nit ikinnerusunut tunngasunik nalunaarutissallit akileraaruseriffimmit peqqu-neqarsinnaapput tamakku digitalinngorlugit pigineqareerpata nalunaaruteqartussaatitaasorlu internettikkoorsinnaappat digitalinngorlugit nalunaaruteqassasut.

Imm. 4. Akileraaruseriffik pitsaassusitsinik, ilusissanik paasissutissallu inissititernerinut aamma akileraaruseriffiup paasissutissanik digitali atorlugu nalunaarutigineqartunut pingaaruteqartunik piumasaqaatinik aalajangersaasinnaavoq.

Imm. 5. Nalunaaruteqartussaatitaasut digitali atorlugu nalunaaruteqartussaanngitsut immersugassat akileraaruseriffimmit suliarineqarsimasut atorlugit paasissutissanik nalunaaruteqassapput. Paasissutisanut pineqartunut immersugassaliortoqarsimanngippat paasissutissat pappiliaq nalinginnaasoq atorlugu nalunaarutigineqassapput.

Ilinniagaqarnersiutit

§ 2. Namminersorlutik Oqartussat ukiut tamaasa ukiup siuliani ilinniagaqarnersiutit aningaasanngorlugit tunniunneqarsimasut pillugit paasissutissat akileraaruseriffimmut piumaffigineqaqqaaratik nassiuuttassavaat, tassunga ilanngullugu aningaasanik tigusisut kikkuunerinik, inuup normuanik ilalerlugit paasissutissiisassapput.

Imm. 2. Paasissutissanik nalunaaruteqarnermi ilaatinneqartussap nalunaaruteqartussaatitaasumut kinaassutsini pillugu ilisimatissaaq, tassunga ilanngullugu inuttut normuni.

Imm. 3. Paasissutissat nalunaarutigineqartut pillugit Namminersorlutik Oqartussat ilinniagaqarnersiutinik pisartagaqartut ilisimatittassavaat.

Imm. 4. Nalunaaruteqarneq pillugu najoqqutassanik erseqqinnerusunik akileraaruseriffik

aalajangersaasinjaavoq, tassunga ilanngullugu paasissutissiisussaatitaanermut piumasaqaatinik annikinnerulersitsisinnaanermut aamma ilinniagaqarnersiutinik pisartagaqartunut ilisimatitsisarneq pillugu.

Nalinik nalunaaruteqarneq

§ 3. Tamakkiisumik ilaannakortumilluunniit ajunngitsorsiat soorlu akeqanngitsumik nerisaqarneq illusimanerlu, inigisaqarneq, najugaqarallarneq, angalanerit, biilit oqarasuaatillu il.il. pillugit nalunaaruteqarnermi, akileraaruserinermik ingerlatsineq pillugu Inatsisartut inatsisaanni § 30, imm. 1, nr. 3 naapertorlugu nalunaaruteqartussaatitaasup ajunngitsorsiap nalinga pillugu nalunaaruteqassaaq. Ajunngitsorsianut tunngatillugu ukiumut aningaasarsiorfiusumut pineqartumut nalit inatsisitigut aalajangersakkat imaluunniit nalit Naalakkersuisunit aalaja-ngersarneqarsimasut naapertorluginit naliliisoqassaaq.

Meeqqanut akilersuutit

§ 4. Meeqqanut akilersuutit il.il. kiisalu meeravissiartaarnermi tapiissutit tunniunneqartarneri pillugit Inatsisartut peqqussutaat malillugu Namminersorlutik Oqartussat kommunillu meeqqanut akilersuutinik akileeqqusissut, ukiut tamaasa piumaffigineqaqqaarnatik makku pillugit paasissutissanik akileraaruseriffimmut tunniussisassapput:

- 1) Akilersuisussaatitaasup inuttut normua najugaalu.
- 2) Akilersuutinik pissassaqartup inuttut normua najugaalu.
- 3) Ukiup siuliani akilersuisussaatitaasumiit akiliutigineqartut annertussusaat.

Imm. 2. Paasissutissanik tunniussisussaatitaaneq pillugu najoqqutassanik erseqqinnerusunik akileraaruseriffik aalajangersaasinjaavoq, tassunga ilanngullugu paasissutissiisussaatitaanermut piumasaqaatinik annikinnerulersitsisinnaalluni.

Pisortat tunitsivigineqartut attartortitsinerillu ilaannik isumaqatigiissuteqartut

§ 5. Namminersorlutik Oqartussat, Naalakkersuisut allaffeqarfii, Inatsisartut allaffeqarfiat, Kalaallit Nunaata Radioa, suliffeqarfifit namminersortitat il.il. aamma Kalaallit Nunaanni kommunit, aalisarnermiit, piniarnermiit, aallaaniarnermiit, savaateqarnermiit tuttuuteqarnermiillu, eqqumiitsuliornermiit sanalunnermiillu tunisassianik tunitsivigineqarnermut atatillugu aningaasarsiat B-nik akiliuteqartartut ukiut tamaasa piumaffigineqaqqaaratik makku pillugit paasissutissanik akileraaruseriffimmut tunniussisassapput:

- 1) Aningaasarsiat B-nik tigusisup inuttut normua imaluunniit CVR-normua.
- 2) Ukiup siuliani tunisinermut atatillugu aningaasarsiat B-t tigusisumut tunniunneqartut

annertussusaat.

Imm. 2. Namminersorlutik Oqartussat kommunillu, inunnit angallammik, qimussimik allatigullu inunnut assartuummik attartortut ukiut tamaasa piumaffigineqaqqaratik makku pillugit paa-sissutissanik akileraaruseriffimmut tunniussisassapput:

- 1) Attartortitsisup inuttut normua imaluunniit CVR-normua.
- 2) Ukiup siuliani attartortitsisumut akissarsiatut tunniunneqartut annertussusaat.

Imm. 3. Imm. 1 aamma 2-mi paasissutissanik taaneqartunik tunniussisussaatitaaneq pillugu najoqqtassanik erseqqinnerusunik akileraaruseriffik aalajangersaasinnaavoq, tassunga ilangullugu paasissutissiisussaatitaanermut piumasaqaatinik annikinnerulersitsisinnaalluni.

Nutserisut akissarsiaat

§ 6. Translatørinut, oqalutsinut, nutserisunut assigisaannullu akissarsiat akileraarutit A-nut unerartitsinertaqanngitsunik akiliisoq ukiut tamaasa piumaffigineqaqqarnani makku pillugit paasissutissanik akileraaruseriffimmut tunniussissaaq:

- 1) Tigusisup inuttut normua imaluunniit CVR-normua.
- 2) Ukiup siuliani tigusisumut akissarsiat tunniunneqartut annertussusaat.

Imm. 2. Paasissutissanik tunniussisussaatitaaneq pillugu najoqqtassanik erseqqinnerusunik akileraaruseriffik aalajangersaasinnaavoq, tassunga ilangullugu paasissutissiisussaatitaanermut piumasaqaatinik annikinnerulersitsisinnaalluni.

Ilaasortaanermut akiliutit

§ 7. Suliatigut peqatigiiffit soorlu akileraaruserinerimik ingerlatsineq pillugu Inatsisartut inatsisaanni § 33 c, imm. 1-imí taaneqartutut ukiup siuliani ilaasortaniit akiliutit tiguneqartut pillugit ukiut tamaasa piumaffigineqaqqarnatik paasissutissanik akileraaruseriffimmut tunniussisassapput, tassunga ilangullugu ilaasortap akiliutaanut attuumassuteqartumut kinaassutsimut inuup normuanik ilalerlugit paasissutissat. Akiliutit nalunaarutigineqartut annertussusaat pillugit paasissutissiisussaq ilaasortanut nalunaaruteqassaaq.

Imm. 2. Paasissutissanik nalunaaruteqarnermi ilaatinneqartussap nalunaaruteqartussaatitaasumut kinaassutsini pillugu ilisimatitsissaaq, tassunga ilangullugu inuttut normuni.

Imm. 3. Nalunaaruteqarnissaq pillugu najoqqtassanik erseqqinnerusunik akileraaruseriffik aalajangersaasinnaavoq, tassunga ilangullugu paasissutissiisussaatitaanermut piumasaqaatinik annikinnerulersitsisinnaalluni.

Akiliunneqarluni angalanerit

§ 8. Inuit imaluunniit inatsisitigut inuttut pisinnaatitaasut, tassunga ilangullugit sulinngiffeqarnermi aningasaateqarfiiit, atorfinitsitsinermut pissutsit avataasigut inunnut

imaluunniit pisortani atorfeqartunut akiliussillutik angalanernut tapiissuteqartut, ukiut tamaasa piumaffigineqaqqaarnatik akileraaruseriffimmut makku pillugit paasissutissanik tunniussissapput:

- 1) Tapiissutisisinnaatitaasut allallu tapiissutisisut inuttut normui.
- 2) Ukiup siuliani tapiissutisisinnaatitaasup angalaneri tamakkiisut amerlassusaat.
- 3) Ukiup siuliani tapiissutisisinnaatitaasumut tapiissutigineqartut annertussusaat.

Piffissaq

§ 9. §§-it 2-miit 8-mut paasissutissat taaneqartut ukiumi paasissutissanut attuumassuteqartut ukiup tulliani kingusinnerpaamik 31. januarimi akileraaruseriffimmut nalunaarutigineqassapput.

Kontonik ingerlatsisuusut nalunaarutaat

§ 10. Aningaaseriviit, sparekassit, piginneqatigiiffiit karsii, aningaasanik nioqqutillit, aningaasanik nalilinnik nioqqutillit, eqqartuussissuserisut allallu, aningaasanik erniortitassanik tigusisartut, ukiut tamaasa namminneerlutik ukiup siuliani erniat tunniunneqartut imaluunniit pisassangortinneqartut allatulluunniit kontoqartunut ataasiakkaanut iluanaarutigitat annertussusaat pillugit, ernialiinerup ulluanik il.il. aammal uningaasat uninngasuutit ukiup siuliata naanerani amerlassusiinik paasissutissanik akileraaruseriffimmut tunniussisassapput. Akileraaruseriffiup aalajangersinnaavaa allanit, ingerlatsinermennut atatillugu inuit allat aningaasaataannik ertiaqartitsisunit, paasissutissanik taamaattunik tunniussineqassasoq.

Imm. 2. Imm. 1 malillugu nalunaarutigineqartut kontop taaguutaanik paasissutissanik imaqassaaq, tassunga ilanngullugit kontop qanoq ittuuneranik, kontoqartup aqqanik, najugaanik aammal uinngasuutit normuanik, suliffeqarfittut ingerlatsiviup normuanik (CVR-nr.) imaluunniit inuussutissarsiuummik ingerlatsiviup normuanik (SE-nr.). Akileraaruseriffiup kontonik pigisaqartunut, inuttut normoqaratillu ingerlatsivittut normoqanngitsut pillugit nalunaaruteqarnermi erseqqinnerusumik najoqqutassat aalajangersinnaavai.

Imm. 3. *Imm. 1 malillugu paasissutissiisussaatitaanermi aamma pineqarput kontot il.il. ukiup ingerlanerani atorunnaarsimasut. Kontonut taamaattunut tunngatillugu atorunnaarsitsinermi uninngasuutit amerlassusii nalunaarutigineqassapput.*

Imm. 4. Pisariillaataatillugu paasissutissallu pineqartut akileraarutinik nakkutiliinermut pingaaruteqarpianngikkaangata, akileraaruseriffiup imm. 1 aamma 2 naapertorlugit inunnut ataasiakkaanut imaluunniit paasissutissiisussaatitaasut eqimattanut imaluunniit kontonut assigiinngitsunut ataasiakkaanut tunngatillugu atuukkunnaartissinnaavaa annikinnerulersillugilluunniit, taamatullu aamma akileraaruseriffiup aningaasat nalunaarutigineqartussat ikinnerpaaffissaat pillugu aalajangersaasinnaalluni.

Imm. 5. Paasissutissiisussaatitaasup kontomik pigisaqartumut aningaasat nalunaarutigineqartut amerlassusaannik nalunaaruteqarnermik ilisimatissavaa. Kontomik pigisaqartumut ilisimatitsissuteqarneq pissaaq kingusinnerpaamik ukiup paasissutissiissutinut attuumassuteqartup tulliani februarip aallaqqataani.

§ 11. Kinaluunniit ingerlatsinerminut atatillugu erniaqartitsilluni aningaasanik taarsigassarsisitsisartoq taarsigassanilluunniit isumagisaqartartoq, akileraarusigaanissamut atugassanik ukiut tamaasa namminneerlutik tamanna pillugu akileraaruseriffimmut nalunaaruteqartassaaq.

Imm. 2. Imm. 1 malillugunalunaaruteqarneq taarsigassarsitinnejartup kinaaneranut paasissutissanik, paasissutissanillu kontomut taarsigassarsinermullu pissutsit attuumassuteqartut pil-lugit paasissutissiissutinik imaqassaaq. Aningaasanut taarsigassarsianut ataasiakkaanut tun-ngatillugu nalunaarutigineqassapput:

- 1) taarsigassarsinerup qanoq ittuunera,
- 2) ernialiutat imaluunniit erniat akiligassanngorsimasut,
- 3) taarsigassarsinermut atatillugu ernianik nalunaaqutsiineq, qaammatisiutit malillugit ukiup nalunaaruteqaataasup siuliani ernialiussanik akiligassanngoreersunik akiliuteqarsimannginnermi, tamatumunnga nalunaaruteqartussaattilluni,
- 4) taarsigassarsinermut atatillugu ernianik nalunaaqutsiineq, qaammatisiutit malillugit ukiumi nalunaaruteqaataasumi taarsigassarsianik akiligassaajunnaartsisoqarsimatillugu tamatumunnga nalunaaruteqartussaattilluni, imaluunniit ukiuni siuliinut tunngatillugu,
- 5) sullissinermut akissarsiat ingerlaavartut il.il.,
- 6) sillimmatissanut aningaasaateqarfimmut allaffisornermullu akiliutit,
- 7) realkreditinstituttit sillimmatissanut aningaasaateqarfiinit akileraarutaasussanik agguagarsiat amerlassusii, agguagarsiat tigusisumit ukiumi tunniussiffiusumi isertitatut naatsorsuutigineqartussaattillugit,
- 8) ulloq ernialiiffusoq,
- 9) 31. decembarimi akiitsut, aamma
- 10) akiitsut 31. decembarimi nalingat, taarsigassarsiat aningaasanut nioqquteqarfimmi nalunaarsukkanik obligationinik tunngaveqartumik taarsigassarsiaappata.

Imm. 3. Pisariillisaataatillugu paasissutissallu pineqartut akilerautinik nakkutilliinermut pingaaruteqarpianngikkaangata, akileraaruseriffiup nalunaaruteqarnissamut paasissutissiisussaatitaaneq atuukkunnaartissinnaavaa annikinnerulersilluguluunniit.

Imm. 4. Atukkiussanut tunngatillugu akiliuteqarnerit § 12 naapertorlugu paasissutissiisussaatitaasumit ingerlanneqarpata, imm. 1 naapertorlugu nalunaaruteqarnissamut pisussaaffik atuutinngilaq.

§ 12. Aningaaseriviit, sparekassit, piginneqatigiiffiit karsii, selskabit aningaasaliissuteqartartut, aningaasanik nalilinnik nioqqutillit, aningaasanik nioqqutillit,

eqqartuussissuserisut allallu, inuussutissarsiummik ingerlatsinerminnut atatillugu pigisanik aalaakkasunik qularnaveqqusiussaqarluni taarsigassarsinermi allagartanik nakkutigisassaminnik sillimmatinik paarisassanik tigusaqartarunik, akileraarusiinissamut atugassanik paasissutissanik imm. 2-mi taaneqartunik ukiut tamaasa namminneerlutik akileraaruseriffimmut nalunaaruteqassapput.

Imm. 2. Imm. 1 malillugu nalunaaruteqarneq taarsigassarsitinneqartup sillimmatinillu pigisaqartup kikkuunerinut paasissutissanik aammalu taarsigassarsinermut tunngasunik paasissutissanik imaqassaaq. Taarsigassarsitinneqartunut sillimmatinillu pigisaqartunut ataasiakkaanut tunngatillugu nalunaarutigineqassapput:

- 1) ernialiutat imaluunniit erniat akiligassanngorsimasut,
- 2) taarsigassarsinermut atatillugu ernianik nalunaaqutsiineq, qaammatisiutit malillugit ukiumi nalunaaruteqaataasumi taarsigassarsianik akiligassaajunnaarsitsisoqarsimatillugu tamatumunga nalunaaruteqartussaattilluni, imaluunniit ukiuni siuliinut tunngatillugu,
- 3) 31. decembarimi akiitsut sinneri aamma
- 4) akiitsut 31. decembarimi sinnerannut naligititaq.

Imm. 3. Pisariillaataatillugu paasissutissallu pineqartut akileraarutinik nakkutilliinermut pingaaruteqarpiannngikkaangata, akileraaruseriffiup nalunaaruteqarnissamut paasissutissiisussaatitaaneq atuukkunnaartissinnaavaa annikinnerulersilluguluunniit.

Kontonik pigisaqartut Kalaallit Nunaanni najugaqartut, najugaqarallartut imaluunniit angerlarsimaffeqartut

§ 13. Kontomik, akileraaruserinermik ingerlatsineq pillugu Inatsisartut inatsisaanni § 36, imm. 1-imi oqaatigineqartutut pilersitsisoq, paasissutissat tunniunneqartut eqqortuuneri uppernarsaateqarfigissavai, kontomik ingerlatsisuusumut passimik, inuup normuanut uppernarsaammik allamilluunniit pisortanit kinaassutsimut uppernarsaammik takutitsinkut. Inuup normuanut, CVR-nr.-mut imaluunniit SE-nr.-mut tunngasunik, akileraaruserinermik ingerlatsineq pillugu Inatsisartut inatsisaanni § 37, imm. 1-imi oqaatigineqartutut, paasissutissanik paasissutissiinermut atatillugu, kontomik pigisaqartup aqqanik najugaanillu paasissutissiisutinik tunniussineqassaaq.

Imm. 2. Kontomik pilersitsisoqarsinnaanngilaq kontomik pilersitsiniartup imm. 1-imi taaneqartunik paasissutissanik nalunaaruteqareertinnagu.

Imm. 3. Paasissutissat imm. 1-imi taaneqartut kontomik pigisaqartup kinaaneranik paasinninnissamut pisariaqartut allanngorpata, kontomik pigisaqartup kontomik ingerlatsisumut paasissutissiisussaatitaasumut qaammat ataaseq qaangiutsinnagu allannguuteqarneq pillugu nalunaarfigissavaa.

Imm. 4. *Selskabinut*, peqatigiiffinnut, aningaasaateqarfinnut allanullu kontomik pigisaqartusunut inuup normuanik, CVR-nr.-mik imaluunniit SE-normumik pigisaqan-

ngitsunut tunngatillugu, siulittaasup inuttut normua imaluunniit inuup allap kontomik pigisaqartoq sinnerlugu iliuuseqarsinnaasup inuup normuanik nalunaartoqassaaq.

*Kontonik pigisaqartut Kalaallit Nunaata avataani najugaqartut, najugaqarallartut
imaluunniit angerlarsimaffeqartut*

§ 14. Kontonut akileraaruserinermik ingerlatsineq pillugu Inatsisartut inatsisaanni § 36, imm. 1-imi taaneqartunut inunniit, selskabinit peqatigiiffinnillu il.il., Kalaallit Nunaata avataani najugaqartunit najuisuusunilluunniit imaluunniit qaammatit pingasut sinnerlugit Kalaallit Nunaanniissimannngitsunit pigineqartunut tunngatillugu, inuup normua, CVR-nr. imaluunniit SE-nr. oqaatigineqassaaq aatsaat kontomik pigisaqartoq normumik taamaattumik tunineqarsimatillugu. Tamatumalu saniatigut kontomik pigisaqartup aqqa, najugaa nunalu angerlarsimaffigisa oqaatigineqassapput.

Pensiuunisianut tunngasunik nalunaaruteqarnerit

§ 15. Pensiuunisiaqalernissamut aningaasaateqarfiit, pensiuunisiatigut inuunermullu sillimmasiissutitigut aaqqissuussinernut selskabit, aningaaseriviit allallu soraarnerussutisiat aaqqissuussaannit akilersuutinik tigusisartut, kingusinnerpaamik qaammatip 10-ani akileraaruseriffimmut qaammatip siuliani ilassutitut akiliutigisat aamma nassuiaammik tunniussinermi akilersuutit nalunaarutigissavai. Nalunaarut qarasaasiakkut tunniunneqassaaq, tamannalu soraarnerussutisiaqartussaatitaasup imaluunniit kontomik piginnittup ataasiakkaap paasissutissaanik, akileraaruseriffiup malittarisassai naapertorlugit, immersorneqarluni. Nalunaarummik tunniussinissamut piffissaliussaq kingulleq sapaataappat imaluunniit nalliuutuuppat imaluunniit arfininngorneruppat, piffissaliussaq ulluinnaq tullianut sivitsorneqassaaq.

Imm. 2. Akileraaruseriffik malittarisamik, ilusermik, paasissutissat aaqqissuussaanerannik aamma pissutsinik allanik akileraaruseriffiup qarasaasiakkut nalunaarutinik suliarinninnerannut pingaarutilinnik piumasaqaateqarnissamut aalajangersaasinnaavoq.

§ 16. Pensiuunisiaqalernissamut aningaasaateqarfiit, pensiuunisiatigut inuunermullu sillimmasiissutitigut aaqqissuussinernut selskabit allallu pensiuunisianik ingerlaavartumik inuuneq naallugu sillimmasiissutinik tunniussisartut, ukiut tamaasa namminneerlutik akileraaruseriffimmit piumaffigineqaqqaratik, Akileraaruserinermik ingerlatsineq pillugu Inatsisartut inatsisaanni § 39, imm. 1 aamma 2-mi taaneqartutuut, akileraaruseriffimmut paasissutissiisassapput aamma pensiuunisianut aaqqissuussinernut pigisaqartup kinaaneranik paasinninnissamut pisariaqartut pillugit paasissutissiinerit ilanggullugit.

Imm. 2. Kinaluunniit pensiuunisiaanik aaqqissuussinermik, aningaasarsianit akileraarutit pillugit Inatsisartut inatsisaanni §§-it 39 aamma 40 naapertorlugit taasanik pilersitsisoq,

paasissutissiisussaatitaasunut aaqqissuussinermut pigisaqartup (kontomik piginnittup) kinaaneranik paasinninnissamut pisariaqartut pillugit paasissutissiisaaq, tamatumani inuup normua nalunaaruteqartussaanermut atuutsitsinissamut pisariaqartinneqartut, aammalu paasissutissat tunniunneqartut eqqortuuneri uppernarsaateqarfigineri ilanngullugit.

Imm. 3. Pensiuunisiassanut aaqqissuussinermik pilersitsisoqarsinnaanngilaq pilersitsiniartup imm. 2-mi taaneqartunik paasissutissanik nalunaaruteqareertinnagu. Imm. 2-mi taaneqartutut pissutsit allannguuteqarpata, paasissutissiisussaatitaasumut qaammat ataaseq qaangiutsinnagu allannguuteqarneq pillugu nalunaaruteqartoqassaaq.

Aningaasanik nakkutigisanik taarsigassarsianillu nalunaaruteqartarneq

§ 17. Suliffeqarfimminut atatillugu aktianik nakkutigisassanik nalilinnut sillimmasiinermi tigummiaqartoq, ukiut tamaasa akileraaruseriffimmut sillimmasiissutinit aningaasanik nioqquteqarfimmi nalunaarsukkanit aktianit assigisaannillu, iluanaarutisianik qaammaatisiutit malillugit ukiup atuuttup siuliini pissarsiarititaasut pillugit nalunaaruteqartassaaq.

Imm. 2. Imm. 1 naapertorlugu nalunaarutit iluanaarutinik tigusaqartunut ataasiakkaanut tamanut paasissutissanik makkunangna imaqassapput:

- 1) Nalunaaruteqartup kinaaneranik paasissutissat.
- 2) Iluanaarutisianik tigusaqartup kinaaneranik paasissutissat, tamakkua pigineqarnerat naapertorlugu.
- 3) Iluanaarutisiat ukiup ingerlanerani agguagarsiaritinneqartut (tamakkiisut) annertussusiat.
- 4) Iluanaarutisiat ukiup ingerlanerani agguagarsiaritinneqartut akileraarutitai akilerneqarsimasut, takuuk nr. 3.
- 5) Aktiat il.il. iluanaarutisiaqataasut nunami sumi pilersinneqarsimanersut, aktiat il.il. aningaasanik niuerfimmi nalunaarsugaappata.

Imm. 3. Nalilinnut tqqorsivimmiiititsisoq imm. 1-im i taaneqartutut, nalunaaruteqarnissamut paasissutissiisuteqartussaasumut kinaanini ilisimatitsissutigissavaa, tamatumani inuup normua, CVR-nr. imaluunniit SE-normu, ilanngullugit.

Imm. 4. Imm. 2-mi taaneqartutut aktianit iluanaarutisianik pissarsisoq, nalunaaruteqarnissamut paasissutissiisuteqartussaasumut kinaanini ilisimatitsissutigissavaa, tamatumani inuttut normuni, CVR-nr. imaluunniit SE-nr. ilanngullugit. Tamannali atuutinngilaq iluanaarutisianik pissarsisoq selskabinut tunngasumik inatsisini malittarisassat malillugit selskabimi peqatigiiffimmiluunniit il.il. agguagarsisitsisumi nalunaarsugaanissaq pisussaanngippat.

Imm. 5. Pisariillaataatillugu paasissutissallu pineqartut akileraarutinik nakkutilliinermut pingaaruteqarpiangikkaangata, akileraaruseriffiup inunnut ataasiakkaanut imaluunniit qassiikkaarlugit paasissutissiisussaatitaasunut nalunaaruteqarnissamut paasissutissiisussaatitaaneq imm. 1-imiit 4-mut maleruagassat taaneqartut atuukkunnaartissinnaavai annikinnerulersillugilluunniit.

§ 18. Suliffeqarfimminut atatillugu aktianik nakkutigisassanik nalilinnut sillimmasiivimmi tigummiaqartoq, ukiut tamaasa akileraaruseriffimmut qaammatisiutit malillugit ukiup siuliani paarititaasunit aningaasanik nioqquteqarfimmi nalunaarsukkanit aktianit assigisaannillu nalunaaruteqartassaaq, sillimmasiivimiitsineq inummut kiffartuussineruppat.

Imm. 2. Imm. 1 malillugu nalunaarutit aktianut ataasiakkaanut aktiat suunerinik ukiullu naanerani nalingannik tunngasunik paasissutissanik imaqassapput.

Imm. 3. Suliffeqarfimminut atatillugu aktianik nioqquteqartoq, ukiut tamaasa akileraaruseriffimmut aningaasanik nioqquteqarfimmi nalunaarsugaasunik aktianik il.il. qaammatisiutit malillugit ukiup atuuttuusup siuliani tunisaqarnernik nalunaaruteqartassaaq tunisaqarnerit inummut kiffartuussineruppata. Nalunaaruteqarneq aktiap suuneranik, qanga tunineqarfianik aammalu aktiap tunineqarnerani naligitinneqartoq pillugu paasissutissanik imaqassaaq.

Imm. 4. Nalilinnik sillimmasiivimiitsisoq tuniniaassunneqartorluunniit, nalunaaruteqarnissamut paasissutissiussaatitaasumut kinaanerminik, tamatumani aamma inuttut normuminik ilisimatitsissuteqassaaq.

Imm. 5. Pisariillaataatillugu paasissutissallu pineqartut akileraarutinik nakkutilliinermut pingaaruteqarpianngikkaangata, akileraaruseriffiup inunnut ataasiakkaanut imaluunniit qassiikkaarlugit paasissutissiussaatitaasunut nalunaaruteqarnissamut paasissutissiussaatitaaneq imm. 1-imii 4-mut maleruagassat taaneqartut atuukkunnaartissinnaavai annikinnerulersillugilluunniit.

§ 19. Pisortat karsii, realkreditinstituttit, pappiaqqanut nalilinnut qitiusumik nalunaarsuiffiit, aktieselskabit, aningaaseriviit, sparekassit, piginneqatigiiffiit karsii, aningaasaliissuteqarnernut peqatigiiffiit, aningaasanik nalilinnik nioqquteqartut allallu, ernianut allagartanik aningaasanngortitsisartut, obligationinulluunniit tunngasunik ernialiisartut, akileraarusiinermut atugassanik minnerpaamik ukiumut ataasiarlutik namminnerlutik akileraaruseriffimmut ukiup siuliani obligationinik pigisaqartut ataasiakkaat ernianut allagartanik aningaasanngortitaasa ernialiussalluunniit ani-ngaasartaasa amerlassusiinik obligationillu pineqartut taaguutaannik ukiullu pineqartup naanerani nalimikkut nalinginik aammalu paasissutissanik imm. 3-mi 4-milu taaneqartunik tunniussisassapput.

Imm. 2. Imm. 1-imii taaneqartutut taamatuttaaq aningaasaliinernut peqatigiiffinni aningaasaliinernut uppernarsaatinut tunngatillugu iluanaarutinut allagartanik aningaasanngortitsinerit imaluunniit aningaasaliinernut peqatigiiffinni kontonik ingerlatsiviusuni aningaasaliissutinik pigisassanngortitsinernik aammalu aningaasaliissutinut uppernarsaatinut kontomik ingerlatsiviusumi aningaasaliinernut peqatigiiffiup taaguutaa, tamatumani suuneri sumullu atortuuneri, ukiullu naanerani nalimikkut nalingi pillugit paasisitsissutigineqassapput. Akileraaruseriffiup aamma aalajangersinnaavaa,

nalunaaruteqarnissamut paasissutissiussaatitaasut paasissutissanik akileraaruseriffimmut nalunaaruteqarnissamut pisussaaffimmink naammassinninnissamut atugassanik imminnut ilisimatitseqatigiittassasut. Taamatuttaaq obligationinik, allatamik erniaqartinnagit imaluunniit aningaasarsianit akileraarutit pillugit Inatsisartut inatsisaanni § 18 imm. 3 naapertorlugu, erniasiarititassanut minnerpaaffissarititaasoq ataallugu erniaqartillugit pilersitaasunik tamakkiisumik akiligaqarnerit pillugit paasissutissat tunniunneqassapput.

Imm. 3. Aningaasaliinernut peqatigiiffimmi kontonik ingerlatsisuusumi ilaasortaasoq peqatigiiffiup imm. 1 aamma 2 naapertorlugu ilaasortaasup aningaasaliissutaanut ikisanik nalunaaruteqarnissami atugassanik imaluunniit peqatigiiffiup § 20 naapertorlugu tigusat pillugit peqatigiiffiup nalunaaruteqarnissaani atugassanik, qinnuteqartoqartillugu peqatigiiffiup akileraartarnermut tunngatillugu attuumassuteqartunik tunngavigisat ilaasortaasup isertitanik naatsorsuinermi atugarisai pillugit, tamatumani aamma pineqartup inuuniutigalugu pissarsianit akileraarusigaanersoq nalunaaruteqassaaq.

Imm. 4. Ernianut iluanaarutisianulluunniit kuponinik aningaasanngortitsinissamik imaluunniit pappiaqqanik aningaasanik nalilinnik qitiusumik nalunaarsuiffimmi kontomik pilersitsinissamik qinnuteqartoq, akileraaruseriffiup ilusissamik aalajangigaa malillugu iluseqartumik aningaasanngortitsivusoq imaluunniit kontomik ingerlatsiviusumik instituti piginnituusup kinaaneranik ilisimatitsissuteqassaaq paasissutissallu tunniunneqartut eqqortuuneri upternarsarlugit. Kuponi aningaasanngortinnejassanngilaq erniallu akilerneqassanatik aningaasanngortitsiffiusoq imaluunniit kontomik ingerlatsiviusumik instituti paasissutissanik taaneqartunik pereertinnagu.

§ 20. Kinaluunniit nuussinermik ingerlatitseqqiilluni akunnermiliuttuusoq imaluunniit pissarsisoq imaluunniit nuussisoq pillugit akunnermiliuttutut taasaq imm. 3 naapertorlugu akileraaruseriffimmut obligationinik erniasianullu allagartanik, tamatumani aamma obligationinik allassimasumik erniaqartitaanngitsunik imaluunniit erniarititat minnerpaaffissaat ataallugu allaassimasumik erniaqartillugit pilersitaasunik, aningaasarsianit akileraarutit pillugit Inatsisartut inatsisaanni § 18, imm. 3 naapertorlugu, tunniussinernik ilisimatinneqassaaq. Tamanna aamma atuuppoq aningaasaliissutinut upternarsaatinik taamaattunullu tunngatillugu iluanaarutinut kuponinik tunniussinernut aammal aningaasanngortitsinernut, tamatumani aamma aningaasanngortitsinernut ataasiakkaanut tunngatillugu piffissaq aningaasanngortitsiffiusoq pillugu, aningaasaliisarnernut peqatigiiffimmi kontomik ingerlatsisuusumi uninngasuutinut, aammal tigusinerni ataasiakkaani aningaasaliisarnernut peqatigiiffiup aningaasanik nalilinnik pappiaraataasigut iluanaarutinut annaasaqaatinulluunniit piviusunngortitsinerup nalaani suli piviusunngortitaanngitsortaanut. Akileraaruseriffiup attuumassuteqartut peqataasut § 10, imm. 2-mi taaneqartutut inuup normuanik il.il. paasissutissiussaatitaanermut pisussaafilerneqarsinnaapput.

Imm. 2. Taamatuttaaq imm. 1-imi aalajangersagaq piffissaq akiliiffissamut, pisinermut

tunisinermullu tunngasunik isumaqatigiissutinut nuussinernulluunniit atuuppoq, isumaqatigiissuteqartuni illuatungiusut arlaat inuinnaappat.

Imm. 3. Suliffeqarfimminut atatillugu imm. 1 aamma 2-mi taasani pappiaqqanik nalilinnik imaluunniit isumaqatigiissutinik niueruteqarlunilu nuussinermik ingerlatitseqqiilluni akunnermiliuttusoq, imm. 1 naapertorlugu naalunaaruteqarluni paasissutissiisussaatitaavoq. Taamatuttaaq aamma atuuppoq kimulluunniit inuussutissarsiatigalugu isumaqatigiissutinik taamaattunik suliaqarluni isumaqatigiissusiortartumut imaluunniit nuussinermik ingerlatitseqqiilluni akunnermiliuttusumut. Kontomik ingerlatsiviusumi aningaasaliinernut peqatigiiffinni kontomit tigusinerit pillugit tamatumani peqatigiiffik nalunaaruteqartussaatitaavoq. Pappiaqqat nalillit imaluunniit illuatungeriit isumaqatigiissutaat imm. 1 aamma 2-mi taasat nuunneqartillugit, taakkualu oqaaseqatigiinni siullerni taasatut nalunaaruteqarnikkut paasissutissiisussaatitaanngippata, imaluunniit nalunaaruteqarnikkut paasissutissiisussaatitaasunngitsumit tamanna pillugu isumaqatigiittoqartillugu aamma nuussinermik ingerlatitseqqiilluni akunnermiliunnikkut isumaqatigiissutinik suliaqartoqartillugu, pappiaqqanik nalilinnik imaluunniit isumaqatigiissummik illuatungiusumit pissarsisuusumit nalunaaruteqarnikkut paasissutissiisussaatitaaneq tassannga pissaaq.

Imm. 4. Pappiaqqanik nalilinnik imaluunniit isumaqatigiissutinik imm. 1 naapertorlugu nuussisoqartillugu imaluunniit isumaqatigiissummik imm. 2 naapertorlugu inuinnarmit imaluunniit inatsisit naapertorlugit inuttut tunngatinneqarsinnaasup akornanni isumaqatigiissusiortoqarsimatillugu Kalaallillu Nunaanni angerlarsimaffeqartuutilugit imaluunniit Kalaallit Nunaanni aalajangersimasumik ingerlatsiveqartumik inuussutissarsiuteqartut (akileraartartut) aamma inuinnarmit imaluunniit inatsisit naapertorlugit inuttut tunngatinneqarsinnaasup nunanit allanit pisup, imm. 3-mi oqaaseqatigiit siilliit naapertorlugit nalunaaruteqarnikkut paasissutissiisussaatitaanngitsuuppat aamma nuussineq akunnermiliuttumit imaluunniit isumaqatigiissut taamatut paasissutissiisussaatitaanngitsumit suliarineqarp, akileraartup nalunaaruteqarnikkut paasissutissiisussaatitaaneq akisussaaffigivaa.

Imm. 5. Pissarsisoq, nuussisoq ingerlatitseqqiilluniluunniit akunnermiliuttusoq, nalunaaruteqarnikkut paasissutissiisussaatitaanermik pisussaaffeqarnerminik naammassinninngitsoq, obligationinut il.il. imaluunniit kuponimut attuumassuteqartunik ernianik iluanaarutinillu akileraartussatut isigineqarsinnaavoq.

Imm. 6. Pissutsit atuuttut tamanna taperserpassuk, paasissutissarlu akileraartarnermi nakkutilliinermut annikinnerusumik pingaaruteqarp, akileraaruseriffiup obligationinik il.il. piginnittunut ataasiakkaanut qassiikkuaanulluunniit nalunaaruteqarnikkut paasissutissiisussaatitaanermik pisussaaffeqarneq atorunnaarsissinnaavaa annikinnerulersilluguluunniit.

§ 21. Paasissutissanik §§-ini 10-miit 12-imut aamma 15-imut 19-imut taaneqartunik paasissutissussaatitaapput inuit aammalu inatsisit naapertorlugit inuttut akisussaasut tamakiisumik killilimmillu akileraartussaatitaasut.

Pineqaatissiinerit

§ 22. Piaaraluni imaluunniit mianersuaalliorluni § 1, imm. 2-miit 4-mut, § 3, § 4, imm. 1, § 5, imm. 1 aamma 2, § 6, imm. 1, § 7, imm. 1 aamma 2, § 8, § 9, § 10 imm. 1 aamma 5, § 11, imm. 1, § 12, imm. 1, § 13, imm. 1, 3 aamma 4, § 15, § 16, imm. 1 aamma 2, § 17, imm. 1, 3 aamma 4, § 18, imm. 1, 3 aamma 4, § 19 aamma § 20, imm. 1-imiit 4-mut aalajangersakkanik unioqqutitsisoq akilisitaanermik pineqaatissinneqarsinnaavoq.

Imm. 2. Imm. 1-imi taaneqartut arlaat aktieselskabip, anpartsselskabip, andelsselskabip, peqatigiiffiup, suliffeqarfiup imminut ingerlatittup, aningaasaateqarfiup taakkuluunniit assigisaasa unioqqutippagit, inatsisitigut pisinnatitaasutut akiliisitaanermik pineqaatissinneqarsinnaavoq. Namminersorlutik Oqartussat, kommune kommunilluunniit suleqatigiiffiat unioqqutitsisuuppat Namminersorlutik Oqartussat, kommunalbestyrelse imaluunniit kommunit suleqatigiiffiat akiliisitaanermik pineqaatissinneqarsinnaavoq.

Imm. 3. Akiliutissanngortitat Landskarsip pisassarai.

Atuutilerfia

§ 23. Nalunaarut ulloq nalunaarutigineqarnerata kingorna atuutilissaaq.

Imm. 2. Aningaasarsianit akileraarutit pillugit paasissutissanik nalunaaruteqartarneq pillugu Namminersorlutik Oqartussat nalunaarutaat nr. 8, 18. juni 2010-meersoq aamma atorunnaassaaq.

Namminersorlutik Oqartussat, ulloq 18. juni 2010

Palle Christiansen

/

Jan H. Lynge-Pedersen